

Kyak Cho Karamach Kisön Pich Cho Ngörekkyot



This book has been provided by:

UF | UNIVERSITY of
FLORIDA



IDRC • CRDI

International Development Research Centre
Centre de recherches pour le développement international

Canada 



Tingeto kasini chamat kingetuno ghömchö nyo pö 4.0 nyo tötoy chamat.

Tingeto pich kityakat kî:

- Kïghamta akonga- kutötö, kïchaghta akïmwatïta: (kïpuryö kïtep pich cho nömuno kegh).
- Kughomitö nko kasin walak-kïnömukö kegh kasinî.

Kïripata kegh nko otöptinechî:

- Keparta-mïchini pich cho pöghisyegho kasinî kuparta chuchinö le kikirin wölo ompö ornyo mörumunye lö kichömchî nyinte kikirintö kïpöghisyeghō kasinî.

Chamat

Kikikir kitapunî kile kareran pö sikul nyo pö Canada nyo pökïtö nampa 109062-001.

Kingarach ropïyeni chanchö nyo pö kyak kitapunî kekir

Kïpkana ropïyenichî pö chanchö kingörökutyö bill nko Melinda Gates (BMGF) global affairs Canada (GAC) nko Canada's international development Research center (IDRC).

Kïyorecha keyokine sörö Gordon Obin nyo wonteghchini korö Uganda nyo kimuk kutenar kikirut chete kïnamte kegh nko mochut köcho, nko Jane Cheptum Chorey nyo kiwayak kingirut pö kïchumpa kïlïku ngala pökot.

Melö ngala Pïchî

Ngalechî kikïngalana ompö kitapunî ori kïmelö ngal cho pkono wölo mi pïchî pö IDRC anta pïchinö le kintöghoghikwa.

Kitapun cho mïchini kesomön ompö ngalechî

Söpïchi pangea chole kikirî nko university nyo pö florida (2021) kyak cho karamach kisön pich cho ngorekyat kitapî nyo kïpöghisyeghō ompö kor pich chole le chepsakïtis pö kyak cho ighöy kasî nko chanchö pö kyak ompö koro Karamoja Uganda university nyo pö florida" Gainesville, FL.

Söro ompö pich cho kikir kitapî sany nko kichorönut

Kichorönut cho kikïpöghisyeghō ompö kitapunî kî cho kitat söpïchu Pangea chole kikirî.

Kurosī Chebet ompö mighö kīmi
kīrömöy pögh ompö chuma. “Yinu tīngö
ompö sörünöy neköchan walak akīlokyot
konyīn” kīmwä,” Chebet.

“Chichan tīkīl yitoy tīkīl?” kītep korka nyo
lekītö nyinte kuköntö. Chebet möt.

“Kyomukyan sakītya ket läpāy wölo
möminye waghakata,” kumung nyo wow.

“Kama artenyan akong omötu,” kīloch
korketö anka kīmīghyö koruchoni ompö
kyakikwa.



Kuwer osiswö sömöki, kiliki asis pö makit
kiwö Chebet makit nyo kimi korengwa.
Kilim Chebet ato kingölonöy radyö lo ato
yinu tingö akilokyot konyin ngäror nko
kechir akuyotoy, akiting sömewo losir.

Kimwochi pich radyö lö aranga nekökwo
nko kechiryekwo cho tomänye kutongu
tökechanchan ompö sakitya.

Kitomanye kilim Chebet ngala chanchö
kinam lö orongan nekachu täkepä
kechancha.



Asis nyo kiröpöy kīngēt Chebet tökwoghö
akuyomis monechi cho ghechön
pöghisyewut pö kö.

Kuyomis pöröryenyi Chepotöpölel kuros
monechi nko konyi, kīrang nyinte nekachi
wölinö kichonchöno.




Atay le mönon kungin kinkeli ponto
Chebet Meri wölo kitöpo Chebet.

“Kaliki ne tewiyönyi wölnö le aköros pö
kyak,” kutegh nyinte.

“Komökan chonchöne neköchan,”
kimwä Chebet. “Kömeghö neköcho chole
odeny omötu.”

“Metöp tegh lenyoni ngat kipuryö
chamantenyan,” Kimwochi Meri nyinte
akilenchi metöp telim.



Otini kiwer osiswö cho ngörï kungin
Chepotöpölel kuros Chebet. “Osïwiyan
lö tökisöpsot nekökinyi olenchinan kegh
anta meghsot ompö chanchö,” kimwä
Chepotöpölel.

“Kitililitu kisir wölay kilata tagh,” kimwa
Chebet ompö. Owesyö wölonyenyu
kimeghan nye Chepotöpölel chanchö
kimömökönye kënyorï nekachi kömpölelyö.



Otini kiwer äräwä akong kimwochini
Meri kongotichi, “Kikäramächitu kyakichän
omukän oltene kitikon ompö olyot nyo
käram.”

“Muko löne akwanyi tongunchot
neköcha akimeghot?” kītep kongenyi
Lodengo nyole ponto Chepotöpölel.

“Inonenyi ngala chancho pö kyak nyay
kimwä Losiwa nyay le chepsakityanta
kyak? Karam kirang Chebet ngaror
kechanchan akikyaki cha lapay ompö kaw
kitililöch akikaramach le wölini lata,” kīmwa
Meri.



Kimemukönye Lodengo täkwalta
kyakichi ata akonga ompö wölo
kotongunchote cho chang. Kimököy kwolöy
pikipiki otini kimilä kaw kusus Chepotöpölel.

“Momukanye ompö oltene kyakichan
kitikon ompö olyot nyo karam!” Kunonchi
Chepotöpölel nepö Chebet chay kitililitu
atay kikichanchan. Kichömchिनो lodongo
nko Chepotöpölel lö rutoghchini chane
Chebet asis nyo riptoy.



“Kimeghö neköchan cho chang
arawanany kewer akutongunchoy
kechiryeko potenyan. Ogham ne?” kiloch
Chepötöpölel kitep koru walaka cho chang
Chebet kingörokut.

“Okuran Losiwa kungin korencha,”
kimölyongï Chebet. Kikuri Chebet kor cho
chang kïkur tikil potenyi mïrön kïpka kïter
kinetut kïngेतunö wölomi chichonö le
chepsakityanta kyak. Otini kiwer osiswo,
kungin Losiwa wölinö kimöngöy Chebet.



Kīngälana Losiwa köromyo chanchö
ompö kokwo yotīn nko mīrön.

“Chanchö kī or akonga nyo kipöpeko
sömewut cho pkonchini kyak,” kīmwä
nyinte wölo nyenyu kiting Chepotöpölel
nyökoryö kyayontan werīnyan kīkat aran
nyo kitongunot kechenchön wölo kīma,
mömeghotnye neköchan läpäy ato
achanchanan? Kītep.

“Mesopönye chanchö kyak cho
tongunchot ngöroköy kupöpek sömewut
tamanam kyak cho metongunchotnye.
Mīchini kenya kerīt kyak cho tongunchot
nyo tagh” kīmwa Losiwa.



Otinö kimuchö kinetut, kitep korï Chebet
wölo kimukta nyinte kasino kaw akumï ngat
kïrang nekachï kïpa chanchö.

“Mïchini kasino kö kegham nko pïpö kö
läpäy, pontengïnyi nko monïng cho kiyetu
mwochinö chane kïrang kyak wölinö
kichonchöno inan ingälanä köromnyo
chancho pö kyak nko pontengu.” Kïmwochï
Chebet koruchay.



Otini kiwer osiswö kipkä korï ompö
söpichis kïrongï nekokwa cho tongunchot
wölay le akäros. Walak tökechenchön
nekokwa. Kungarach walak poyikwa kïrongi
nekokwä äköros.

Kïtililöchitu kyäkï cho chang akimïningit
sömewö ompö kor.



Kikigh Chebet kiliki chepsakityan nyo po
kyak akunet ompo korenyi kungarach kor
kumi kinyori kinetut ompo korenyi. Kumuki
kwich kor kiliki cho ngolono ngala kison po
kyak ompo ngal lapay.



